

ሃኣጌ ማፃኣፖ ዓይያ ካሮ

ያኦሲ ማሊያ ኬኤዛ ሃኣጌ ማፃኣፖይዳ ዳካና ዳካና ፃኣፒንቴ ኪኢታ ኪሪሰቶሴ ሾይንታንዳሢኮ ቤርታ ጸኤቶ ጸኤቶ ሌዖ ፓይዶኮ ደንጎ ጸኤታና ላማታሚ ሌዖ ጋራ ናንጊና ናንጋ ጎዳ ዲዲንታፓ ማዔ ዴርሞ ሃኣጌ ዛሎና ኬኤዚንቴያኬ። ዲሰራዔኤሌ ዴራ ደውሲንቴ ቤዛፓ ማዔ ዩሩሳላሜይዳ ዳካ ሌዔ ዴዔያ ማዔቴያ ጌኤዢ ማኣራ ቤርታ ሻሂንቴ ደዔ ቤዛ ዓኣኔ፤ ዩያሮ ዲዛኮ ኪኢታ ዴርኮ ሱኡጋ ጌኤዢ ማኣሮ ጊንሣ ዓካሲ ኮሻንዳጉዲ ዔቁሳያኬ፤ ዩያ ሌሊቱዋንቴ ዴራ ፔና ካኣዢ ዛሎና ኮሻያና ጌኤሹሞ ዓኣያ ማዔቴ ናንጊና ናንጋ ጎዳ ኮሹሞና ዖርጎቹሞዋ ዔያቶም ዲንጋንዳሢ ዲ ኬኤዜኔ።

ማፃኣፔላ ዲማ ዲማ ዓርቄ ባኮ

ጌኤዢ ማኣራ ኮሻንታንዳጉዲ ናንጊና ናንጋ ጎዳ ዓይሣሢ (1:1-15)

ናንጊና ናንጋ ጎዳ ዴርሞ ዲንጌ ዓንጀንታ ዔያቶ ደዲሻንዳያ ማዔያኮ ዲንጊንቴ ሃጋኣ ዋዛ (2:1-19)

ናንጊና ናንጋ ጎዳ ዜሬባቡሌም ዲንጌ ሃጋኣ ዋዛ (2:20-23)

ናንጊና ናንጋ ጎዳ ጌኤዢ ማኣሮ ዓካሶም ዓይሣ ዓይሣያ

1 ዳኣሪዮሴ ካኣታዳንቴ ላምዓሳ ሌዖኮ ላሃሳ ዓጊና ጸኤሬ ቤርታሳ ኬሎና ናንጊና ናንጋ ጎዳ ፔ ማሊያ ኬኤዛ ሃኣጌ ዛሎና ኬኤዜኔ፤ ዲዚ ኬኤዜሣ ዪሁዳ ዓሶ ዋይሣ ሳላቴያሌ ናኣዚ ዜሬባቡሌና ቄኤሶ ቢያኮ ሱኡጋሢ ማዔ ዲዮሴዴቄ ናኣዚ ዲያሱናምኬ።

2 ቢያ ባኮ ዋይሣ ጎዳ፡- «ሃይ ዴራ ጌኤዢ ማኣራ ዓካሲ ኮሻንታንዳ ዋዳ ሃጋኣ ሄሊባኣሴ» ጋዓኔ፤»

3 ዩያሮ ናንጊና ናንጋ ጎዳ ፔ ማሊያ ኬኤዛ ሃኣጌ ዛሎና ፔኤኮ ዴርሞ ኬኤዜ ቃኣላ ሃካፓ ዴማ ዓኣሢኬ፡-

4 «ታ ዴሬዮቴ! ታ ማኣራ ሻሂንቴ ዓኣንቴ፣ ዲንሢ ዲንሢኮ ሚዛጲሲ ማዢና ማኣሮይዳ ናንጋኒ ሃይ ዋዳዳ?

5 ዲንሢ ዓኣ ጎይያ ሂንዳ ማሉዋቴ።

6 ዲንሢ ሚርጌ ጎሽኪጋፓ ዳካ ሃኣኮ ዔካኔ፤ ሙይ ዲንሢ ሙዓኔ፣ ጋዓንቴ ሚሽኩዋሴ፤ ዲንሢ ዑሽካኔ፣ ጋዓንቴ ዴኤባ ዲንሢኮ

1:1 ዓ.ዘ. 4:24—5:2፤ 6:14።

ማዑቀሴ፤ ዑፃ ዑፃ ቃሲ ዒንሢ ማይንታኔ፣ ጋዓንቴ ዒንሢሞ ዩይ ያይዲቀሴ፤ ማዲ ዒንሢ ዴንቃ ሚኢሻ ዒንሢሞ ዔኤቁዋኣሢር ዲርዔ ኪኢሴይዳ ዓጎና ማዓኔ።

7 ዒንሢ ዓኣ ጎይያ ሂንዳ ማሉዋቴ።

8 ዓኣሪ ሃሢ ለካ ገምር ኬሰኩዋቴ፤ ሚሢ ቆዒ ዔኪ ሙኩዋቴ፤ ታኣኮ ጌኡኩ ማኣር ጊንሢ ዓኣሲ ኮሹዋቴ፤ ታኣኒ ዒኢካ ዋዛዲ ጋላቴንታንዳኔ።

9 «ዒንሢ ሚርጌ ሃኣኮ ኮናይዳ ዋሃንዳኔ ጌይ ማሌኔ፤ ጋዓንቴ ዳካ ማዓኔ፤ ዩንሢያ ዒንሢ ዔኪ ማኣሪ ጌሌ ዋዶና ዩያ ሃኣኮ ታኣኒ ዑኡዚ ሃሺሢር ባይቄኔ፤ ዩያ ታኣኒ ዓይጎር ማዲያ ዒንሢሞ ማላይ? ዩያ ታኣኒ ማዲሢ ዒንሢ ቢያሢ ዒንሢኮ ማኣር ሚዛጰሲ ማዛኔ፤ ታኣኮ ጌኡኩ ማኣሪ ጋዓንቴ ዶዒ ሻሂንቴ ቤዛ ዓኣሢርኩ።

10 ዒራ ዋርቁዋሢንታ ዔኤቢያ ባቃሉዋኣሢ ዩያርኩ።

11 ዓኣሪ ዩያ ዛሎር ዲኮና ሃኣኮናይዳ፣ ዋይኖንታ ዛይቶንታይዳ፣ ሳዓ ባቃላሳ ባኮ ቢያይዳ፣ ዓሶንታ ቆልሞንታይዳ፣ ዓሲ ፔ ኩቻ ማዲ ዴንቃ ባኮ ቢያይዳ ሉማ ታኣኒ ዔኪ ዩዓንዳኔ።»

ዴራ ናንጊና ናንጋ ጎዳም ዓይሢንቴሢ

12 ሳላቴያሌ ናኣዚ ዜሬባቡሌ፣ ቄኤሶ ቢያኮ ሱኡጋሢ ዒዮሴዳቄ ናኣዚ ዒያሱ፣ ዳውሲንቴ ዴንዴ ቤዛፓ ማዔ ዴራኣ ቢያ ናንጊና ናንጋ ጎዳ ማዔ ዔያቶ ያኣዛሢኮ ቃኣሎንታ ዒዛ ማሊያ ኬኤዛ ሃኣጌ ዛሎና ዳኪንቴ ኪኢቶዋ ዋይዜኔ፤ ሃኣጌ ዔያቶም ዳኬሢ ናንጊና ናንጋ ጎዳኬ፤ ዴራ ናንጊና ናንጋ ጎዳ ዒጊጩኔ።

13 ናንጊና ናንጋ ጎዳኮ ኪኢታ ዓሲ ማዔሢ፣ ሃኣጌ ዴርም ኬኤዛያ፡- « ታኣኒ ዒንሢና ዋላኬ» ጋዓኔ ናንጊና ናንጋ ጎዳ» ጌይ ናንጊና ናንጋ ጎዳኮ ኪኢቶ ኬኤዜኔ።

14 ዩካፓ ዩሁዳ ዓሶ ዋይሢያ ማዔ፣ ሳላቴያሌ ናኣዚ ዜሬባቡሌንታ ቄኤሶኮ ሱኡጋሢ ዒዮሴዳቄ ናኣዚ ዒያሱንታ ዲዒንታፓ ማዔ ዓሶ ቢያ ናንጊና ናንጋ ጎዳ ማዲም ዔቄሴኔ፤ ዔያታ ናንጊና ናንጋ ጎዳ ማዔ ዔያቶ ያኣዛሢኮ ጌኡኩ ማኣር ኮሺያ ዓርቄኔ።

15 ዩይ ያኣዴ ማዔሢ ዳኣሪዮሴ ካኣታዴንቴ ላምዓሳ ሌያኮ ላሃሳ ዓጊና ጃኤሬንቴ ላማታሚ ያይዳሳ ኬሎናኩ።

2

ዓኮ ጌኡኩ ማኣርኮ ሚዛጰሞና ቦንቾና

1 ዳኣሪዮሴ ካኣታዴንቴ ላምዓሳ ሌያኮ ላንካሳ ዓጊና ጃኤሬም ላማታሚ ፔታሳ ኬሎና ናንጊና ናንጋ ጎዳ ሃኣጌ ዛሎና ላሚ ኬኤዜኔ፤

2 ናንጊና ናንጋ ጎዳ፡- «ዪሁዳ ዓጮ ዎይሃ፡ ሳላጥያሌ ናኣዚ፡ ዜሬባቡሌንታ ቄኤሶ ቢያኮ ሱኡጋሢ፡ ዒዮሴዳቄ ናኣዚ፡ ዒያሱንታ ሃንጎ ዓሶንታም ቢያ ሂዚ ጌይ ኬኤዜ» ጌዔኔ።

3 «ሃኖ ጌኤዡ ማኣሮኮ ሚናኣ ቦንቻ ዎማዲታቲያ ዛጌ ዓሲ ዓኣኖ? ሃሢሾ፡ ዒንሢም ዎማዲ ማዒ ጴዳይ? ሃይ ማኣራ ዒንሢም ፓሡዎ ባኣዚ ማዒባኣዳዳ?

4 ሃሢ ጋዓንቴ ዜሬባቡሌ ዶዴ! ቄኤሶ ቢያኮ ሱኡጋሢ፡ ዒዮሴዳቄ ናዓሃ ዒያሱ ዶዴ! ዒንሢ ዓጮ ዴራኣ ዶዴዎቲ! ታኣኒ ዒንሢና ዎላኬ፤ ታኣኒ ዒንሢና ዎላ ማዓንዳኔ።

5 ዒንሢ ጊብፂ ዓጫፓ ኬሰኬ ዎዶና፡- ታኣኒ ዒንሢና ዎላ ማዓንዳኔ፤ ጌይ ታ ዒንሢም ጫኣቄሢጉዴያ ሃሢያ ታኣኮ ዓያና ዒንሢና ዎላታሢሮ ዔኤቢባኣሴ ዒጊጨፖቴ» ጌዒ ዔያቶም ኬኤዜኔ።

6 ቢያ ባኮ ዎይሃ ጎዳ ሂዚ ጋዓኔ፡- «ዑኬ ኬሊዳ ላሚ ገንሣ ታኣኒ ጫሬንጮንታ ሳዎንታ፡ ባዘንታ ፃኣዶ ቤዘንታ ታኣኒ ዓጊሣንዳኔ፤

7 ሜሌ ዴሮ ቢያ ታኣኒ ዓጊሣንዳኔ፤ ዔያቶኮ ቆላኣ ቢያ ሃይካ ሙካንዳኔ፤ ዬያሮ ጌኤዡ ማኣሮኮ ዲቢ ቆሎ ዓኣያ ማዓንዳኔ።

8 ዓጮይዳ ዓኣ ዎርቆንታ ቢሮ ዓንጋኣ ቢያ ታኣሮኬ።

9 ዓኮ ጌኤዡ ማኣራ ቤርታኣሰካፓ ባሽ ሚዛጴያ ማዓንዳኔ፤ ታኣኒያ ዒኣካ ታ ዴሮም ኮሹም ዒንጋንዳኔ፤» ቢያ ባኮ ዎይሃ ጎዳሢ ጌዔኔ።

ሃኣጌ ቄኤሶ ዘሬ ዘሮ

10 ዳኣሪዮሴ ካኣታዳንቴ ላምዓሳ ሌዎኮ ታዘጳሳ ዓጊና ጸኤሬም ላማታሚ ያይዳሳ ኬሎና ቢያ ባኮ ዎይሃ ጎዳ ፔ ማሊያ ኬኤዛ ሃኣጌ ዘሎና ሂዚ ጌዔኔ፡-

11 « ሂንዳ ቄኤሶ ኮይላ ዎጎ ዛላ ያኦጮ፤

12 ኮኣኪንሢና ፔቲ ዓሲ ያኦሲም ዲማዴ ዓሽኮ ዒንጎ ባኮ ዒንጎ ቤዘፓ ዔኪ ዒዚ ማይንቴ ዓፒሎና ያሺ ዔኬያታቲ፤ ገንሣ ሃሃ ዬይ ዓፒላ ካሢ፡ ዎፂ፡ ዎይኖ ዑዡ፡ ዛይቲንታ ዬያጉዲ ሜሌ ሙኣዚ ካኣሜያ ማዔቲ ዬይ ሙዓ ቢያ ዬያ ዓሢ ዘሎና ያኦሲም ዲማዴያ ማዓኒ ዳንዳዓ? ዔያቶም ጌዔ።» ዬያሮ ጌዒ ያኦሲ ማሊያ ኬኤዛ፡ ሃኣጌ ዔያቶ ያኦጮኔ።

ቄኤሳ ማሃዮ፡- «ያኦሲም ዲማዴያ ማዓኒ ዳንዳዑዎሴ» ጌዔኔ።

13 ሃአጌ ገንሣ፡- «ሌሲ ካአሚ ዒኢቲ ዓሲ ዬንሣ ሙጋይዳፓ ፔቲ ካአሚቲ ዬይ ካአሚንጉቲ ሙዓ ጎኔና ዒኢቲያ ማዓኒ ዳንዳዓ?» ጌይ ዔያቶ ገኦጩኔ።

ቄኤሳ ማሃዖ፡- «ሂዮ፡ ዒኢታኔ» ጌዔኔ።

14 ሃአጌ ዒማና፡- « <ሃይ ዴራ ቢያ ዬያጉዲኬ፤ ዬያር ዔያቶኮ ማደንታ ዔያታ ገኦሲም ሸኢሻ ዒንገፃአ ዒኢቲያኬ> ጋዓኔ፡ ናንገና ናንጋ ጎዳ» ጌኤኔ።

ናንገና ናንጋ ጎዳ ሃጊ ዓንጃንዳያ ማዒያ ኬኤዜሣ

15 ናንገና ናንጋ ጎዳ ሂዚ ጋዓኔ፡- «ዓይጌ ዒንሣ ሄሌቲያ ዒንሣ ማሊ ጳቂሣቆዓዳ? ሃሣ፡ ጌኤዦ ማአር ገንሣ ዒንሣ ማዢያ ዓርቃንዳሣኮ ቤርታ፡

16 ለምጋ ያኤታ ከሎ ማዓ ሃአኮ ዳንቃንዳኔ ጌይ ሃአኮ ናቶና ቤዞ ዒንሣ ዓአዳኔ፤ ጋዓንጉ ዒንሣ ዳንቄሣ ፔቲ ያኤታ ከሎ ሌሊኬ፤ ሃሣ ፔቲ ያኤታ ደሎዜ ዎይኔ ዑሺ ዳንቃኒ ኮዒ ዎይኖ ዑዦ ጩኡጳ ቤዞ ዒንሣ ዓአዳኔ፤ ጋዓንጉ ዒንሣ ዳንቄ ዔኬሣ ጋይዲታሚ ደሎዜ ሌሊኬ፤

17 ዒንሣ ማዲ ላቤ ሃአኮ ቢያ ታአኒ ባይዛኒ ታሚላአሻ፡ ዑንታሬንታ ሻቺያ ኬይሴኔ፤ ዬይ ቢያ ዒንሣዳ ሄሌንጉያ ጎሞ ቡኡዒ ታ ባንሣ ዒንሣ ማዒባአሴ።

18 ታዞጳሳ ዓገና ያኤሬንጉ ሃኖ ለማታሚ ጋይዳሳ ኬላፓ፤ ገንሣ ሃሣ ጌኤዦ ማአራ ማዢንቶ ዓርቄ ኬላፓ ዓርቃጋ ኮሺ ማሊ ዒና ዔኩዋቲ።

19 ዎዚ ዒንሣኪ ዜርሣም ማዓ ሃአኮ ኮኖይዳ ባአጋታቲያ፡ ዎይኖንታ ቤሌሶንታ ርኡማኖንታ ሪሚቶ ሚፃአ ቢያ ዓአፒ ዓአፒባአቲያ ሃናኣፓ ዓርቃጋ ታ ዒንሣ ዓንጃንዳኔ።»

ናንገና ናንጋ ጎዳ ዜሬባቡሌም ዒንጌ ሃጊ ማዓ ዎዞ

20 ዬኖ ዓገኖኮ ለማታሚ ጋይዳሳ ኬሎና ናንገና ናንጋ ጎዳ ፔ ማሊያ ኬኤዛ ሃአጌም ለሚ ኬኤዜኔ።

21 ዪሁዳ ዓጮ ዎይሣ፡ ዜሬባቡሌም ሂዚ ጌዔ፡- «ጫሪንጮንታ ሳጋንታ ታአኒ ዓገሣንዳ ኬሊ ሙካንዳኔ፤

22 ዬኖ ዎደና ካአቶኮ ካአቱሞ ጋይቶ ታአኒ ደይሳንዳኔ፤ ዔያቶኮ ዎልቆ ባአጋ ታአኒ ማሃንዳኔ፤ ሳርጌሎ ጋይቶ ዒሻ ዓሶ ዬያ ጋይቶና ዎላ ታአኒ ኬኤራንዳኔ፤ ፓራሣያ ዔያቶኮ ሃይቄ ጋፓንዳኔ፤ ፓራሣና ጋላ ዓሳአ ዎሊ ዎዳንዳኔ፤

2:13 ገይ. ማፃ 19:11-22::

23 ታኣሞ ማዳ ዜሬባቡሌ! ታኣኒ ኔና ደኦሬኔ፤ ፔቴ ከሊ ሱኡጌ ኔኤኒ ማባንዳጉዲ ታ ኔና ደማሲ ታኣሮ ማዲያ ዔርዛ ዠኢራህ ታ ኔና ማሄኔ፤» ጋባኔ፥ ቢያ ባኮ ዎይህ ጎዳ።

ጌሌዢ ማጻሕፍት
The Holy Bible in the Maale language of Ethiopia,
using Ethiopic script

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዢ ማጻሕፍት

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-13

PDF generated using Haiola and XeLaTeX on 13 May 2025 from source files dated 13 May 2025

bbcfb90a-3ae3-5452-983d-6c4c02375929